

Ямде лий

Шочмо эл, порылык да чын верч!

Будь готов!

41-ше (3533) №,
2021 ий 8 октябрь,
кугарня.



1933 ий 1 февраль годсек лектеш.

0+

Вучыза, миен шуам!



Фотом ен архив-гын налме.

ПОДПИСКЕ

**4-14 октябрьыште
Россий мучко ПОДПИС-
ЧИКЫН ДЕКАДЫЖЕ
эртаралтеш.**

2022 ийын икымше
пелийжылан «Ямде лий»
газетлан шулдырак ак,
321 тенгеат 54 ыр,
дене возалташ вашкыза.

**Подписчик-влак
коклаште ЛОТЕРЕЙ
модыш лиеш.
Түн приз – КОНЬКИ.**

Индекс – П4696.

Ваче гоч сумкам сакен, ял гыч ялыш, сурт гыч суртыш кӧ газетым, серыш-влакым коштыкта? Палышда, очыни? Тиде почтальон. 9 октябрьыште Почтын тӱнямбал кечыже палемдалтеш. Звенигово район Пӱмъял ден Ошытъялыште Н.И.Ивановам чылан вучат. А йоча-влак, ужыда, могай куаненыт! Йӱратыме «Ямде лий» газетым уремыштак пырля шергалыт, лудыт.

Нина Ивановна, корным лум петырымешке, кок ораван «йолташыжым» кушкыжын, калыклан уверым Красногорский посёлко гыч латкудымшо ий коштыкта.

– *Почто пашам 14 ияшем годымак йӱратен шынденам: кенезж каникул жапыште почтальонлан пашам ыштенам. Тачат шӱм-чон йӱлен тыршем. Калык дене кутыраш, тудын ушан ойжым колгышташ моткоч оңай. Почто мыйын илышем манам гынат, йонгылыш ом лий. Икжывем-влак «газет коклаште» кушкыныт. Кызыт Костя ден Никита урок деч вара газетым пуэдаш полшат,* – оила Н.И.Иванова.

Е.ИВАНОВА.

Картинг – спортын видше, карт (кузовдымо машина) дене куда-лышт-маш.

Фотом Интернет гыч налме.



Сенгымаш

Картинг дене – кумшо

17-19 сентябрьште Ульяновск кундемсе Новая Майна олаште картингист-влакын всероссийский тагасымашышт лийын. Тушко 100 утла ег ушнен. Марий Элын чапшым 15 рвезе 7 карт дене арален да команде дене 3-шо верым налын. Карт-влакын «Rotax Max» классыштышт Советский посёлкысо 3-шо номеран школын тунемшыже Алексей Царгородцев (**снимкыште**) сенгышыш лектын. Саламлена!

Х.АЛЕКСАНДРОВА
ямдылен.

«Шыже түс»

Школыштына «Шыже түс» ончер эртаралтын. Йоча-влак тўрлő пакчасаска, лышташ гыч онай янлыкым, аршашым да молымат ямдыленит. Мый кок маскам ыштенам. Нунын йыр лышташым, пўгыльмым, тумлегым, пызлыгычкым оптенам. Вес ийын эше чаплыракым ямдылем. Тыгай ончер усталыкым вияндаш полша.

Юля ЯГОДАРОВА.
Советский, Кельмаксола.

Историйым шергалына

*Мым ий шуйнышо сар
годым (1756-1763) 1760 ий
9 октябрьште руш войска
Берлиным сенен
налын.*

*1811 ий 14 октябрьште
М.И.Кутузовын вуйлатыме
руш войска Болгарийысе
Рушук ола воктене (кызыт – Русе)
турко армийым кырен
шалатен.*

Российысе увер

Россий Президент В.В.Путинын пунчалже почеш, Российыште Ачан кечыжым октябрьын кумшо рушарнянже палемдаш тўналына. Тений ты кечым 17 октябрьште икымше гана пайремлена.

5-25 октябрьште

Российысе просвещений министерстве «Орлёнок» всероссийский йоча рўдериште Самырык-влакын педагогический форумжым эртара. Тушко Российысе школла гыч психологий да педагогике класслаште тунемше 100 ўдыр-рвезе погына.

Кажне кумылан ег «Наука. Территория героев» всероссийский конкурсышко ушнен кертеш. Конкурс вич йыжын дене эртаралтеш да 20 декабрь марте шуйна. Тўрыс уверым vsekonkursy.ru сайтыште ончыман.

Марий Элысе увер

«Идалыкын воспитательже – 2021» конкурсын российысе йыжынже 4-12 октябрьште Сочиште эртаралтеш. Марий Элын чапшым Волжск олесе 17-ше номеран «Дюймовочка» йочасадын туныктышо-логопедше Ю.А.Белуосова арала.

Йошкар-Ола воктенысе Корта тунемме да тренировкым эртарыме базыште 29-31 октябрьште спорт туризм дене Марий Эл Республикын первенствыже эртаралтеш.

15 октябрь гыч 14 ноябрь марте Российыште Калык перепись эртаралтеш. 14 ийым темыще икшыве переписчикын йодышыжо-влаклан вашмутым шке гыч икымше гана пуэн кертеш. Могай калык гыч улмым чын ончыкташ ида аптыране.

Школышто – акций



Фотом школын архивше гыч налме.

Ўрша школын тунемшыже ден туныктышыжо-влак «Пушенгым аралена» акцийым эртарышна: тошто кагазым погышна. 3-4-ше класслаште тунемше ўдыр-рвезе-влак сылне сўретым сўретлышт (**снимкыште**). Пашашт дене кугу кагаз коробкам сўрастарышна да коридореш верандышна. Тушко тошто кагазым опышна. Тек изи надырна кугу пушенгым арален кода.



Р.Г.АНТРОПОВА, туныктышо.
Советский район.



*Кидышет сай
книга гын,
нигунал шкет
от лий.*

К.ГОЛЬДОНИ.



Ш к о -
лышто тў-
налтыш
класслаште
йочан ик
минутышто
мынар му-
тым лудмы-
жым тергат.
Такшым изи
йочам писын
лудаш ту-
ныктыман мо?
Южо ача-
ава, либерике
йонным ку-
чылтын, икшы-
выжым писын
лудаш кумылаңда.
Писын лудмашын
пайдаже уло мо?
Нине йодышлан
вашмутым
психологий
шанче кандидат,
доцент **Т.Н.ГОЛОВАНОВА**
(снимкыште) пуа:

– Писын лудмашын кў-
лешлыкше кажне ийын куш-
кеш. Но тудын сай да уда
могыржо-влак улыт. Писын
лудмаш уверым кўчык
жапыште умылен шукташ
да ушым пўсемдаш полша.
Йоча кугу текстым уто
нельлык деч посна шарнен
кодеш да каласкален кер-
теш. Икшыве сайын туне-

**Либерике – писын лудаш
туныктымо йон.**

Писын лудмаш сай але уда?

маш тўжалеш, шке вийжы-
лан ўшана да кугу кўкшы-
тлыш шуэи. Мўнгысў пашам
писын да чаткан ышта.
Тыге вес пайдале сомыллан
яра жапше лектеш. Писын
лудшо тунемше, 9-11-ше
класслашке шумек, экзаме-
ным нельлык деч посна
куча.

Но икшыве писын лудмыж
годым авторын сылне

йылме дене возымыжым
ок шеклане. Тудо тек-
стын тўн шонымашы-
жым гына умылаш
тырша. Произведенийласе
герой-влакын куанымшы-
тым але ойгыштым огеш
шиж. Йоча образ-влаклан
тўткышым огеш ойыро.
Тыге мут шапашыже огеш
ешаралт. Садлан, ача-ава-
влак, шоналтыза, кунам йо-
чалан писын, а кунам тыг-
лайын лудман.


Х.АЛЕКСАНДРОВА
мутланен.

**Тўрлў классыште тунемше йоча «визытан» отмет-
кылан ик минутышто мынар шомакым лудшаш?**

Тунемме чырык-влак			
I	II	III	IV
Икымше класс			
	20 шомак деч шукырак	35 шомак деч шукырак	40 шомак деч шукырак
Кокымшо класс			
>45	>55	>65	>70
Кумшо класс			
>70	>75	>85	>90
Нылымше класс			
>90	>100	>110	>120



#Сўрет_ончер



Юля ПАЖБЕКОВАН сўретше.
Татарстан, Агрыз, Буймо.

Кугешнен шарнем

Марий литератур урокым эн чот йўратем. Тудым
Е.В.Григорьева вўда. Кажне урокым ойыртемалтшын, ушеш
кодшын эртара. Урокышто шуко марий писатель
дене палыме лийына. Пошкудо Иззи Корамас
ялыште шочын-кушшо С.Г.Чавайн дене кугеш-
нем. Тудо марий сылнымутлан тўналтышым
пыштен. Калык писатель чаплўмым Кораксола
ялын эргыже Н.Лекайн икымше сулен налын.
Никандр Сергеевичым кугешнен шарнем.
Венера КИРИЛЛОВА.

Морко, Шўргыял.

*Египетыште Шнуй
Екатеринан монас-
тырьыштыже тўнялбалне эн тошто
книгагудо верланен. Тудым 1500 ий
ончыч чоңымо.*

Палаш онгай

Фотом школын архивше гыч налме.



Онай вашлиймаш

Республикысе йоча да самырык-влаклан В.Х.Колумб лүмеш книгагудышто поэт да туныктышо Зинаида Ермакова дене онай вашлиймаш эртаралтын (**снимкыште**). Зинаида Васильевна усталык корныжо да илышыже, почеламутын кузе сералтмыже дене палда-

рен. Вашлиймаште Национальный сымыктыш гимназийын тунемшыже-влакат лийыныт. Ёдыр-рвезе-шамыч кумдан палыме поэт дене шинчаваш вашлийын мутланымашым ятыр жап шарнаш тўналыт.

Э.В.ПЕТРОВА, туныктышо. Йошкар-Ола.

Синквейн

Марий сылнымут
Лишыл, шерге.
Виктара, туныкта, рашемда.
Юзо тўня дене вўдышў.
Илыш.
Даша КОРЯКОВА.
Морко, Шўргыял.

Тўналтыш гыч мучаш марте

Мый Н.Лекайнын «Шўртньў падыраш» повестьшым тўналтыш гыч мучаш марте лудынам. Мыланем Шемер Микуш ден йолташыже-влак келшенит. Нуно уло вийышт дене фронтлан полшенит. Микушмыт имньым онченит, Маямыт презым куштеныт.

Мыланем «Фотоаппарат гыч автомат» ужаш эн чот келшен. Мая фронтлан пижергым пидаш сўрен, Клара – носким. Шемер Микуш пенгыдын ойлен: «Мыйын чапле фотоаппаратем улыс. Тиде фотоаппаратым ом пу гын, фашист-влак менам пытарат. Пуэм гын, сеҗена!»

Регина ГРИГОРЬЕВА.
2-шо номеран Морко школ.

Лудын пытарыдыме книга – мучаш марте кайыдыме корно.
Калыкмут.



«Илыше» книга

Яра жапем уло гын, вигак книгагудыш ошкылам. Мыланем книгагудыш пушыжо келша. Лаштыкклажым шергалаш йўратем. Тудо мыланем «илышыла» чучеш. Йолташем электрон книгагудыш шўман. Мый тудым умылем. Тораште ила, сандене тыге йўнанрак. Романым але повестьшым лудмеке, ме содержанийжым пырля шергалына. Шке шонымашнам вашла ойлена, иктешлена.

Даша ИВАНОВА.
Звенигово, 2-шо №-ан Красногорский школ.

Палыза, кў тыгай?

➔ 10 ияшак пьесым возаш тўналын.

➔ Француз, немец, англичан йылмыла дене возымо произведе-



нийлам лудын.

➔ 15 ияшыже годым «Демон» поэмын икымше вариантшым серен.

➔ «Маскарад» драмым 20 ияш возен.

➔ «Герой нашего времени» романым 24 ияш шочыктен.

Марий улам!

Мый марий улам. Тиддене моткоч кугешнем. Мыйын ачам ден авам марий улыт. Авам мыйым изинек марла ойлаш туныктен. Школыштат марий йылмым куанен тунемам. Марий йомакым, почеламутым, ойлымашым йывыртен лудам. Сылнымутла гоч марий калыкын ожнысо илышыжым пален налам. Шочмо кундемын эртыме корныжым шергалам. Шочмо йылмын поянлыкше илыш вийым пуа.

Максим ИВАНОВ.

Волжский, Пўтъял.



Снимкыште

Морко район Коркатово лицейын 1-ше «А» классыштыже тунемше-влакым ужыда. Нуно Кокласоласе книгагудыш экскурсий дене миеныт. Книгагудо пашаен библиотекештыште шкем чын кучымо нерген каласкален, книгагудыш возалтме нерген умылтарен, библиотеке дене палдарен, пырля модыныт. Йоча-влак весканат толаш сўренит.

В.СМИРНОВЫН фотожо.

#Луд#Лончыло#Лий_ончылно

Тыглайын огыл – сылнын



– Изизем годым ачам малаш вочмо деч ончыч мыланем кажне кечын книгаг лудын. Мый колышташ моткоч йӱратенам. Карлсон нерген лудмыжым тачат сайын шарнем, – оила Пошкырт кундем Мишкан район Чорай марий гимназийын 4-ше классыштыже тунемше Анатолий НИКОЛКИН (снимкыште).

Рвезе ынде шкеже уло кумылын лудеш. Йоча-влаклан пӱлеклалтше, пӱртӱс нерген книга-шамыч поснак келшат. Толя кеч-могай произведенийым сылнын лудаш йӱрата. «Ялкайн лудмаште» кажне ийын сенгыше радамыш лектеш. Шымлымаш пашаланат шӱман. «Поиск – 2021. Наука – это поиск истины» шанче-практике конференцийыште «Деревня Лепёшкино в прошлом и в настоящем» пашаж дене 1-ше верыш лектын.

Х.АЛЕКСАНДРОВА.

Фотом еш архив гыч налме.

#Лудшо_ен_ончыльен

#Лӱмгече

Лӱм: Роальд Семёнович Фармарк. Псевдонимже – Роман Сеф.

Шочын: 1931 ий 6 октябрьыште Москошто.



Тунемын: тӱналгыш шинчымашым коваже пуэн. Малоярославец олесе школышто тунемын. М.В.Ломоносов лӱмеш Моско кугыжаныш университетыште шинчымашым поген, но тунем пытарен огыл.

Книгаже-влак: «Речной трамвай», «Ключ от сказки», «Храбрый цветок», «Я сам», «Карнавал», «Человек в коробке», «Шоколадный поезд» да шуко моло.

Паша: штукатурлан, слесарьлан ыштен. Российысе писатель ушемыште шофёр лийын.

Онгай факт: Сеф – ачажын партийный псевдонимже. Лу миллион

утла тираж дене 30 печеламут сборникым савыктен. **Руш писатель, драматург Роман Сефын шочмыжлан – 90 ий.**

Лудаш кумыланга

Урок деч вара йолташем-влак дене Кугу Шале ялысе книгагудыш вашкена. Тушто мемнам Алевтина Николаевна Гурьева вашлиеш. Кажне гана онгай книга-влакым темла. Мый Борис Заходерын «Любимые стихи» книгажым налым да мӱнгыштӱ лудым. Янлык, кайык-влак нерген ынде шуко ум палем. Пеш келшыш. Тыгай сынан книгаг эре лудмо шуэш.

Диана ГРИГОРЬЕВА.

Морко район.

Палаш онгай

Тӱнямбалне эн шуко книгаг аралыше лудыш книгагудыш радамышке Моско (5-ше вер) да Санкт-Петербургысо (6-шо вер) кугыжаныш библиотеке-влак пурат.

Тӱнямбалысе Космический станцийын бортыштыжат изирак библиотеке уло. Тӱштыш шӱдӱ наре книга аралалтеш.

Чын вашмутым му.

- ✓ Роман Сеф рифмым 5 ияш кычалаш тунемын.
- ✓ Кугу Ачамланде сарыш латик ияш каен.
- ✓ Йӱратыме писательже Л.Н.Толстой лийын.
- ✓ Йоча-влаклан почеламутым возаш К.И.Чуковский кумылан ден.
- ✓ Туныктышо ешыште шочын.
- ✓ Коваже тудым Альдик манын.
- ✓ Англичан, татар, словак, албан, болгар поэт-влакын почеламутыштым руш йылмыш кусарен.

#У_книга_шӱрлык



А.Тимоеван у книгаже йоча-влаклан пӱлеклалтын. Ойлымаш-влак кугыен-шамычым пагалаш, поро пашам

ышташ, пӱртӱсым аралаш таратат. Тӱн верым Кугу Ачамланде сарын ветеранже нерген ойлымаш айла.

Книгагудыш вашкӱм

Мый нылымше классыште тунемам. Урок деч вара книгагудыш вашкӱм. Тушто моткоч шуко онгай книга уло. Мый янлык-влак нерген лудаш йӱратем. Эше энциклопедий-влакым кумылын шергалам. Книгагудышто йоча-шамычлан канашат, модашат верым келыштарыме. Йолташем-влак дене пырля домино, шахмат дене модына, пазлым погена, сӱретлена. Мылам книгагудышто келша.

Софья ШАБДАРОВА.

Шернур, Марисола.



– **Юрий Михайлович, усталык корнет кушеч тўналын?**

– Усталык шўлыш айдемылан шочынак пуалтеш. Мыят эше йоршын изи икшыве эреак пўртўсын ойыртежым эскерыше, шымлыше кумыл дене моло деч ойыртемаалтынам. Усталык йолгорнемже шочмо Тыгыде Морко ялем да Кугу Кожлаял кандашиаш школышто тунемме жапем дене кылдалтын. Школышто марий йылмым да литературым тунуктышо А.И.Иванов, а вараже Морко районьсо «Колхозный правда» газетын ответственный секретарьже, журналист да сылнымутчо Г.М.Бекешев нөргө кумылем поэзийлан поснак шўмангденит. Райгазетыш юнкор семын возкаленам. Тиде газетак чоныштем усталык сескемым эн ончыч ылыжтен. Марий кугыжаныш университетыште тунеммем годым поэзийым, шочмо йылмын поянлыкшым йоратыме кумылем кумдангын да шарлен.

– **Палем, тый студент годыметак «Ямде лий» газетыште ик жап пашам ыштенат?**

Ўшанле пий

Ам-ам! Ам-ам!
Час пурлам! Час пурлам!
Ам-ам! Ам-ам!
Чот кертам! Чот кертам!

Вор ыш чыте.

Киндым катыш –
Пий умшаш тыге кудалтыш.
Пижын кодо пий умшаш,
Кушкедлен йолаш энгыраш!

Вор ўшанле пийым ужын,
Тудын деч торашке куржын!
Вот тый ман. Кōлан ᳚рман?..
Лач тыгак эре лийман.

Кажне поро суртымат
Шем вий дечын оролат!
Пийын озажат шотан.
Сай озан пийжат ушан!

Ам-ам! Ам-ам!
Час пурлам! Час пурлам!
Ам-ам! Ам-ам!
Чот кертам!
Чот кертам!



Кажнылан сита ты мланде...
Лын чыла чонанлан вер!..
Трай-тыр-тыр
ила тўняште,
Кече шул-
дыржо –
чевер!

«Илышым йораташ тунемынам»

Тыге ойла поэт да журналист Ю.М.Григорьев. Тудо 15 октябрьыште 55 ийым тема. Чапле лўмгече дене шокшын саламлена. Илышлан куанен, чон ласкалыкым арален, сайлан ўшанен илаш тыланена.

– 1991 ийыште поэт Василий Крылов дене кылна виангын. Тудын вуйлатыме «Мик-мек» мыскара ансамбльыш коштынам. Гитар почеш шкемын мурем йонгалтарен, нине мыскараче-влакын концертыштым такше сōрастарен кертмемлак чучын. Вет калык эре моткоч шокшын вашлийын. Тыге мый тудо ий мучаштак Василий Крыловын вуйлатыме «Ямде лий» газетыште пашам ышташ тўналынам. Паша корнемын тўналтышыжлан тидымак шотлем. Тўн шотышто почеламут-влакым савыкташ ямдыленам, корреспондент семынат ыштенам. Тыгай кугу ўшаным пуымыштлан ўмырем мучко кугу таум каласем. Василий Васильевич дечак йоча почеламутым возаш тунемын, мастарлыкемым виангденам. Мый илышым йораташ «Ямде лий» газетыште тунемынам.

Теве кызыт, «Ямде лий» годсо жапемым шарналтен, йоча поэзиемжымат утларак келгын почын пуаш манын, шуко тўрлō темылан возынем. Тек шарнымашеш кодыт!

– **Тый журналистлан**

Трай-тыр-тыр...

Йошкар шулдыржым
шаралын,
Шем тамгаж ден модылден,
Ужар шудо гыч нōлталте
Трай-тыр-тыр –
чонан сескем.

Нигōлан уке осалже.
Чынак, Юмын падыраш...
Да пўрен тудлан,
мо сайже –
Пўртўснам сōрастараш!



#Лўмгече

ыштенат, мурымат возет, поэт семынат тыршет. Шкендым эн ончыч кōлан шотлет?

– Мый эн ончыч журналист улам! Жапше годым «Кугарня», «Марий Эл» газетлаште тыршенам, тўрлō семын усталыкемым виангденам. А молыжо – чыла кертмем семын. Кызыт уло виемым чумырен, возен шуктыдымо муро, почеламут-влак дене пашам ышташ да калыкклан кодаш шонем.

Л.ГРИГОРЬЕВА мутланен.

Пурса

Тыгыде изи пурса
Куршышто модеш, кушта.
Писын пешак тōрштылеш –
Мыйын семынак кертеш!

Мый улам изи рвезаш,
Шуаралт кушнем пашаш!
Мурашат вет йоратем,
Сем почеш чот тавалтем!

А чонемже тек кушта,
Ом лий пенгыде пурса!

Россий Федерацийысе цифровой виангаш, связь да массовый коммуникаций министрствын окса польшыж дене лукмо.




Авторын фотожо.

Шыже пүртүс путырак мотор. Мландым түрлө түсан лышташ-влак леведынит. Нуным кучылтын, мом гына ышташ огеш лий?! Йошкар-Оласе 10-шо №-ан школын 1-ше «В» классыштыже тунемше-влак мотор лышташ-лам погышт. Технологий урокышто шоншым ыштышт (снимкыште).

Е.С.ЗЫКОВА, туныктышо.

Петр I руш кугыжанышым вуйлатыме жапыштыже ятыр у вашталгышым илышыш пуртен. Иктыже – у школ-влакым почмаш. Тунам Российлан тунемше ег-влак чот кўлыныт. Самырык дворян-влакым йотэл-лашке тунемаш колтеныт, тыгак туныктышо-влакым Российышке ўжыныт. Петербургышто да Москошто навигацкий, артиллерийский да инженерный школ-влакым почыныт. Тыгак «цифирный школ-влакым» пашаш колтеныт. Тушто тўн шотышто лудаш да арифметике ден геометрийым туныктеныт.



Лышташ поран

Пүртүс, шөртнө чинчым шавен, кундемнам сьлнештарен. Мардеж шижде пуал колта – лышташ-влак лыве семын чонештылыт. Лышташ поран тарванымыла чучеш. Чылт йомак тўняшке логалат.

Н.ГОДУНОВА.

Йошкар-Ола.



Жасмина ЯКОВЛЕВАН сўретше.

Кече кўчык, йўр йўреш,
Толын шыже писын пеш.
Лывыла лышташ велеш,
Мландым эркин леведеш.

Максим КУЧЕРОВ.

1-ше номеран Морко школ.

Чынак, шыжым пеш мотор. Арам огыл ятыр марий поэт тиде пагытлан шуко сьлнымутым пөлеклен. Пушенге-влак шөртнягыныт. Икмынар жап гыч вургемыштым куда-шыт.

Алина ПАВЛОВА.

Морко, Коркато.

**11 октябрь –
Ўдыр-влакын тўнямбал кечышт.**

- ☀ Ўдыр-влакын шўмышт рвезе-шамычын деч писынак кыра.
- ☀ Нуно рвезе-шамыч деч сайынрак колыт да 20 пачаш шукурак ойлат.
- ☀ Иктаж-мо нерген шонымышт годым ўдыр-влак парнякышт ўп ярымыштым пўтырат.

М. ШКЕТАН ЛҮМЕШ
МАРИЙ КУГҮЖАНЫШ
ДРАМЕ ТЕАТР

10/10 11:00

12+

КОЛОБОК

По мотивам русской народной сказки

10/10 16:00

6+

Письма Богу
Оскар и Розовая Дама

КАССЕ 8(8362) 78-13-78 SHKETAN.RU

*Шыжым покшым возеш
гын, игече ояра.
Калык пале.*



«Ямде лий» йоча газет
Тўн редактор
Л.Н.ГРИГОРЬЕВА
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ-ВЛАК: Мари-Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистриватлыме.
Номер – ПИ № ТУ52-01335,
2021 ий 29 сентябрьыште пуымо.

0+ Печатьш пуымо жап – 14-00, фактически – 13-00
Авторын да редакцийын шонымышт түрлө лийын кертыт. Серыш-влак мөнгеш огыт колтат. Ак – кутырен келшыме почеш.

Редакцийын да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20-шо пөрт. Тел. 8(8362) 45-22-82(факс)



Конкурс

Ш к о л
г ы ч тол-
меке, Ка-
тя ава ж
дек лишемеш:
– Авай, тейгече мом
сӧренат, шарнет? Мате-
матике дене «нылыта-
ным» налам гын, кечыгут
модын кертам.
– Шарнем.
– Тулгеже таче мый пел
кече модаш тийналам.



Сӱретыш-
те могай
пушенге-
влакын
лышта-
шыштым
ужыда?

Иделия ИШМУРЗИНА.
Татарстан, Агрыз, Буймо.

Алёша КУЗНЕЦОВ.
Кужәнер, Йырмарий.


Ур понго ден лышташ-влак
йымалан цифр-шамычым шылтен.
Нуным муыда гын,
чын вашмутым пуэн кертыда.

+ = 27

+ + = 39

- = 3

+ × = ?




Ик шырпым верже дене вашталтен,
чын вашмутым ыштыза.



Кайык-влакын лұмыштым шарналтыза.
Шокшо элыш чонгештен кайыше шулдыран
йолташна-шамычым укшеш стрелке
дене верандыза.

Ваштар лышташым тыге
сӱретлаш лиеш.



Тушто

Агун вара вуйышто татарла
шовыч кеча.



Интернетысе сӱрет-влакым кучылтмо.